



UNIJA ZA ODRŽIVI POVRATAK I INTEGRACIJE U BIH
NVO sa specijalnim konsultativnim statusom
pri Ekonomskom i Socijalnom Vijeću Ujedinjenih
Nacija

GODIŠNJI IZVJEŠTAJ O RADU
01.JANUAR – 31.DECEMBAR
2014.GODINE

UZOPI U BiH

THE UNION FOR SUSTAINABLE RETURN AND
INTEGRATIONS IN BOSNIA AND HERZEGOVINA
NGO in special consultative status with Economic and
Social Council of the United Nations

SADRŽAJ	2
1. UVOD	3
2. REDOVNA GODIŠNJA SKUPŠTINA UZOPI u BiH 2013	4
3. IZVJEŠTAJ O NAPRETKU BiH ZA 2014	5
4. ČETVEROGODIŠNJI IZVJEŠTAJ ZA UN	6
5. SARADNJA SA DRŽAVNIM, ENTITETSKIM MINISTARSTVIMA	6
6. SARADNJA SA MINISTARSTVOM ZA LJUDSKA PRAVA I IZBJEGLICE BiH	6
7. SARADNJA SA FEDERALNIM MINISTARSTVOM RASELJENIH OSOBA I IZBJEGLICA	7
8. SARADNJA SA MINISTARSTVOM ZA IZBJEGLICE I RASELJENA LICA RS	7
9. SARADNJA SA LOKALNIM VLASTIMA I LOKALNIM ZAJEDNICAMA	7
10. SARADNJA SA MEĐUNARODNIM ORGANIZACIJAMA	8
11. SARADNJA SA UNHCR	8
12. SARADNJA SA DOMAĆIM NEVLADINIM ORGANIZACIJAMA I MREŽAMA	8
13. SARADNJA SA MREŽOM ZA IZGRADNJU MIRA I NVO VIJEĆEM	8
14. SARADNJA SA ASB	8
15. SARADNJA SA MREŽOM ACCOUNT	9
16. SARADNJA SA SSD BiH	9
17. SARADNJA SA <i>MERHAMET</i> NJEMAČKA	9
18. INICIJATIVE	9
19. ERSTE FONDACIJA SEMINARI	10
20. SAJAM GRANTIJA AMERIČKE AMBASADE U BIH	10
21. KONFERENCIJA DEJTON	11
22. PROJEKTI UNIJE 2013. GODINE	11
23. UNHCR	11
24. IPA 2012	12
25. PODRŠKA TRAJNIM RJEŠENJIMA REVIDIRANE STRATEGIJE	14
26. KANTON 10	15
27. KANTON 10 – OBILAZAK TERENA	17
28. ELEMENTARNE NEPOGODE	18
29. URED FRANCUSKE ZA IMIGRACIJU I INTEGRACIJU U BUKUREŠTU	20
30. PROJEKAT OPEC I SF	20
31. BHSELO.BA	21
32. EDUKACIJA I POVEZIVANJE POVRATNIKA U KOOPERANTSKI LANAC	22
33. PROJEKAT <i>EDUKACIJE MLADIH</i>	23
34. TERENSKE AKTIVNOSTI – FOTOGRAFIJE	26
35. MENADŽERSKI TIM UZOPI U BiH i VANJSKI SARADNICI	27

UVOD

Unija za održivi povratak i integracije u BiH je i u 2014. godini nastavila saradnju sa UNHCR –om, provođenja zajedničkog projekta u cilju definisanja najvećih potreba za povratnike, izbjeglice i raseljena lica, kao i kroz identifikovanje ugroženih porodica stradalih usljed poplava.

U sklopu svojih aktivnosti, Unija svake godine organizuje Redovnu Godišnju Skupštinu gdje se sumiraju rezultati rada na polju povratka izbjeglica i omogućavanja održivosti. Također, Unija na jednom mjestu okupi i predstavnike civilnog sektora (NVO – članice Unije), i direktne korisnike programa pomoći održivog povratka kao i i predstavnike svih nivoa vlasti. Taj skup ipak daje neku nadu, kako Uniji tako i povratnicima da još postoji snaga da se proces povratka i njegove održivosti dovede do kraja.

Najveću pažnju, UZOPI u BiH je posvetila mladima iz ruralnih područja kroz projekte edukacije o cjeloživotnom učenju (ključne kompetencije i životne vještine za tržište rada).

Također, Unija za održivi povratak i integracije u BiH je učestvovala u kreiranju izvještaja o napretku za EU, kao i četverogodišnjeg izvještaja za UN. Naravno, pažnja je posvećena povratnicima, raseljenim osoba i izbjeglicama, njihovim potrebama i iznalaženju rješenja za poboljšanje njihove situacije.

Unija je nastavila dalju saradnju sa predstavnicima svih institucija vlasti u BiH, međunarodnim organizacijama i domaćim NVO –ima.

REDOVNA GODIŠNJA SKUPŠTINA UZOPI u BiH 2014

Dana 25.03.2014. godine u Doboju je održana Redovna godišnja Skupština Unije za održivi povratak i integracije u BiH. Na Skupštini su bili prisutni predstavnici 60 udruženja - članica Unije za održivi povratak i integracije u BiH, predstavnici lokalnih zajednica Bosanski Brod, Gračanica, Odžak, Maglaj, Teslić, Doboju, Doboju Istok, Doboju Jug, predstavnici međunarodnih organizacija OSCE-a, UNICEF-a, ASB-a, USAID-a, UNHCR-a, predstavnici Federalnog ministarstva raseljenih osoba i izbjeglica, Agencije za rad i zapošljavanje BiH, Federalnog zavoda za zapošljavanje te predstavnici Ministarstva za izbjegla i raseljena lica RS.



Teme Skupštine su podijeljene na dva dijela:

Radni dio Skupštine se odnosio na usvajanje Zapisnika i Zaključaka sa Skupštine Unije održane 28.02.2013. godine, usvajanje izvještaja o radu i finansijskog izvještaja Unije za održivi povratak i integracije u BiH za 2013. godinu, usvajanje Plana rada UZOPI u BiH za 2014. godinu. **Tematski dio** Skupštine na kojem se razgovaralo na temu ***Zadržavanje mladih u BiH – uloga BH dijaspore koja je podijeljena na nekoliko cjelina:***

- „Zadržavanje mladih u BiH - uloga bosanskohercegovačke dijaspore – Potencijal bosanskohercegovačke dijaspore - mogući uticaji na ekonomski oporavak BiH i zadržavanje mladih u BiH“ - Mitar Kovačević, Ministarstvo za ljudska prava i izbjeglice BiH
- „Istraživanje i identifikacija potreba za ugrožene povratnike i interno raseljene osobe“ – Dženan Mašetić, UZOPI u BiH
- „Zadržavanje mladih u povratničko-raseljeničkim ruralnim zajednicama putem edukacija za zapošljavanje“ – Naida Kurdija, UZOPI u BiH

Najvažniji zaključci sa Skupštine:

- Prisutni su pohvalili prezentacije koje su izložene te dali punu podršku za nastavkom aktivnosti
- Potrebno je uspostaviti institucionalnu vezu između Svjetskog saveza dijaspor Bosne i Hercegovine, državnih institucija, lokalnih vlasti i civilnog društva u BiH kako bi se konkretno radilo na jačanju i ulaganju u lokalne zajednice a samim tim i pomoći u zapošljavanju mladih.
- Unija za održivi povratak i integracije u BiH bi trebala pokrenuti kampanju zajedno sa Svjetskim savezom dijaspor Bosne i Hercegovine u cilju koordinacije sa odgovornim institucijama u BiH, lokalnim vlastima i poslovnim sektorom. Istraživanje i podaci kojima Unija raspolaže su temelj za buduće ulaganje BH dijaspor koji treba iskoristiti za smanjenje siromaštva i ubrzaniji razvoj BiH.
- U cilju što bolje koordinacije i zajedničkih rezultata, potrebno je povremeno u svim gradovima organizirati velike sastanke sa predstavnicima Općina i predstavnicima NVO –a gdje bi se interaktivno iznosili problemi i tražila rješenja za iste.
- Prisutni su od strane gostiju bili informisani o sprovedenim aktivnostima i planiranim aktivnostima Ministarstva za ljudska prava i izbjeglice BiH (Mitar Kovačević), Federalnog ministarstva za izbjeglice i raseljena lica (Šefka Palo), a predstavnik USAID u BiH (Dobrila Vukmanović) je iznijela informaciju o predstojećim projektima na kojima radi

USAID i pozvala prisutne da se informišu više i apliciraju na projekte čiji fokus će biti na realizaciji konkretnih biznis planova. Načelnik Općine Odžak Hajrudin Hadžidedić je iznio aktivnosti na koje je Općine fokusirana, te naglasio da u slučaju istraživanja o migracijama stoji na raspolaganju.

IZVJEŠTAJ O NAPRETKU BiH ZA 2014

Evropska komisija svake godine objavljuje izvještaje o napretku koji procjenjuju specifičnu situaciju u svakoj zemlji kandidatkinji i potencijalnoj kandidatkinji u pogledu procesa evropskih integracija.

Izvještaj o napretku Bosne i Hercegovine za 2014. godinu ima sličnu strukturu kao Izvještaj za 2013. Izvještaj navodi napredak koji je BiH postigla od septembra 2013. u pogledu svih relevantnih kriterija (politički kriteriji, ekonomski kriteriji i evropski standardi). Napredak se mjeri u smislu donešenih odluka, usvojenih zakona i stepena provedbe.

Kako bi dalje ojačala dijalog i stvorila priliku za konstruktivne sugestije i povratne informacije, Evropska Komisija je organizovala konsultacije na temu sugestija za Izvještaj o napretku 2014, koje su održane 09. Septembra 2014 u zgradi Delegacije Evropske Komisije u Sarajevu. Predstavnik Unije je prisustvovao navedenim konsultacijama.



Također, kao i svake godine, Unija za održivi povratak i integracije u BiH je dala svoj doprinos Izvještaju za 2014. godinu iz segmenta **Manjinska prava, kulturna prava i zaština manjina (izbjeglice, raseljena lica i povratnici)** i to u slijedećim oblastima:

- rekonstrukcija stambenih objekata
- elektrifikacija
- infrastruktura
- zdravstvena i socijalna zaštita
- obrazovanje
- zapošljavanje
- pregled šteta i potreba nastalih usljed poplava u 34 općine/opštine u BiH


Unija je prikazala trenutno stanje po navedenim oblastima i moguća rješenja za provođenje istih.

ČETVEROGODIŠNJI IZVJEŠTAJ ZA UN

Unija za održivi povratak i integracije u BiH je učestvovala u kreiranju četverogodišnjeg izvještaja (2009 – 2012) za UN. Izvještaj je obuhvatio stanje u segmentu povratka, održivosti povratnika, saradnju sa domaćim institucijama, međunarodnim

organizacijama, lokalnim NVO, implementirane projekte UZOPI u BiH, terenske aktivnosti i dr.

Saradnja sa državnim i entitetskim ministarstvima u BiH



SARADNJA SA MINISTARSTVOM ZA LJUDSKA PRAVA I IZBJEGLICE BiH

Unija za održivi povratak i integarcijeu BiH nastavila je veoma dobru saradnju sa predstavnicima Ministarstva za ljudska prava i izbjeglice BiH (u daljem tekstu MLJPI). MLJPI je aktivno uključio Uniju u određene procese koje se tiču izbjegličko raseljeničkih pitanja.

Također, predstavnik Unije je član Komisije/Povjerenstva za izbjeglice i raseljena lica BiH, kao posmatrač ispred civilnog sektora.

Ministarsvo za ljudska prava i izbjeglice BiH je finansijski podržao projekat pod nazivom *Zadržavanje mladih u povratničko-raseljeničkim ruralnim zajednicama putem edukacija za zapošljavanje*.

Također, Ministarstvo za ljudska prava i izbjeglice BiH je donijelo Odluku o formiranju Konsultativne Radne grupe za provedbu Revidirane strategije BiH za implementaciju Aneksa VII DMS –a sa Akcionim planom. Dio Radne grupe je i

Unija za održivi povratak i integracije u BiH. Imenovana Radna grupa zadužena je da koordinira aktivnostima Revidirane strategije BiH za implementaciju Aneksa VII DMS –a i prati dinamiku provođenja Akcionog plana za realizaciju strateških aktivnosti.

SARADNJA SA FEDERALNIM MINISTARSTVOM RASELJENIH OSOBA I IZBJEGLICA



Nastavljena je redovna saradnja sa predstavnicima Federalnog ministarstva raseljenih osoba i izbjeglica kroz učestvovanje na zajedničkim sastancima i razmjenama informacija o stanju i potrebama izbjegličko-povratničke populacije u BiH.

Federalno ministarstvo je finansijski podržalo projekat *Zadržavanje mladih u ruralnim zajednicama putem edukacija za zapošljavanje*.

SARADNJA SA MINISTARSTVOM ZA IZBJEGLICE I RASELJENA LICA RS



Nastavljena je saradnja sa predstavnicima Ministarstva za izbjeglice i raseljena lica RS. Aktivnosti su realizovane u okviru održavanja zajedničkih sastanaka i davanja podrške Uniji kroz implementaciju projekata i programa za povratnike, izbjeglice i raseljena lica u BiH.

Saradnja sa lokalnim vlastima i lokalnim zajednicama

Unija za održivi povratak i integracije ima razvijenu veoma dobru saradnju sa predstavnicima lokalnih vlasti u BiH (do sada ima potpisane memorandume o saradnji sa 62 općine/opštine). Saradnja Unije i lokalnih vlasti je bazirana, kako na projektnim tako i na vanprojektnim aktivnostima. Uglavnom, predstavnici općina/opština se nerijetko odazovu na neke zajedničke sastanke sa Unijom kao, a također i podrže određene aktivnosti Unije, kao što je Redovna Godišnja Skupština Unije, kampanje i td.

Obilaskom terena i povratničkih naselja susretali smo se i sa pojedinim predstavnicima lokalnih vlasti u općinama/opštinama: Kakanj, Olovo, Čapljina, Stolac, Prozor-Rama, Prnjavor,

Doboj, Kotor Varoš, Bihać, Bosanska Krupa,
Kupres FBiH, Livno I Tomislavgrad, Živinice.

Saradnja sa međunarodnim organizacijama

SARADNJA SA UNHCR-om



Unija za održivi povratak i integracije u BiH nastavila je saradnju sa UNHCR –om, provođenja zajedničkog projekta u cilju definisanja najvećih potreba za povratnike, izbjeglice I raseljena lica, kao I kroz identifikovanje ugroženih porodica stradalih usljed poplava. Više o samom projektu bit će riječi u nastavku. Time su predstavnici UNHCR –a pokazali volju za saradnju sa Unijom i kroz neke buduće aktivnosti koje budu provodili.

Saradnja sa domaćim nevladinim organizacijama i mrežama

SARADNJA SA MREŽOM ZA IZGRADNJU MIRA I NVO VIJEĆEM

Unija za održivi povratak i integracije BiH, kroz članstvo u Mreži za izgradnju mira učestvuje u zajedničkim aktivnostima i sudjeluje u razmjeni korisnih informacija.



mreža za
izgradnju mira



Kao i do sada i u 2014. godini nastavljena je uspješna saradnja sa NVO Vijećem. Unija kao **članica mreže nevladinih organizacija „NVO Vijeće“**, pomenute mreže, redovno prisustvuje na jednomjesečnim sastancima članova NVO Vijeća.

20.02.2014. godine, na sastanku NVO Vijeća, Unija je prezentovala *Istraživanje i identifikaciju potreba povratnika i raseljenih lica na području 52 općine/opštine u BiH.*


SARADNJA SA ARBEITER-SAMARITER-BUND/ASB



Unija za održivi povratak i integracije u BiH nastavlja i u budućem periodu saradnju sa ASB –om kroz projekta migracije pod nazivom *Jačanje pružanja socijalnih usluga u jugoistočnoj Evropi kroz osnaživanje nacionalnih i regionalnih OCD mreža.* obuku “Efikasnije upravljanje – bolje usluge”. Od

07. -11. Jula 2014. godine, predstavnici Unije su prisustvovali obuci koja je usmjerena na ***Izgradnju kapaciteta neprofitnih pružalaca socijalnih usluga u oblastima organizacionog upravljanja, planiranja, finansiranja i razvoja novih usluga.*** Obuku je organizovao LIR civilno društvo u saradnji sa ASB-om.

SARADNJA SA MREŽOM ACCOUNT



Unija za održivi povratak i integraciju BiH je nastavila saradnju sa mrežom ACCOUNT kroz prisustvovanje seminarima, sastancima, javnim debatama i sl.

SARADNJA SA SVJETSKIM SAVEZOM BH DIJASPORE

Predstavnici Unije su učestvovali na VII Kongresu bh. Dijaspore koji je održan u Sarajevu od 06. – 08. Juna 2014. godine.

Tema Kongresa je bila: *Država Bosna i Hercegovina i njena dijaspora: Jednosmjerna ulica ili zajednička budućnost,* a **pod teme** su se odnosile na slijedeće:

- Ulaganje u Bosnu i Hercegovinu: Izazovi i mogućnosti
- Iseljništvo i izbori u BiH 2014. godine
- Dopunsko obrazovanje djece građana BiH u svijetu na maternjem jeziku: Integracija ili asimilacija
- Unapredjenje saradnje

bosanskohercegovačke dijaspare i nevladnog sektora u BiH

Također, predstavnici UZOPI u BiH su prisustvovali II Biznis forumu bh. dijaspare – BHDIAFOR 2014 koji je održan 02.08.2014. godine u Sarajevu.

Ciljevi foruma su:

- 1.Stimulisanje investicija od strane članova zajednice dijaspare u BiH,
- 2.Stimulisanje poslovne saradnje između domaćih kompanija i kompanija čiji su vlasnici, ili u kojima rade, članovi zajednice bh. dijaspare.

SARADNJA SA MERHAMET NJEMAČKA

Dana, 14.04.2014. godine održan je sastanak sa predstavnicima *Merhameta* Njemačka. Na sastanku im je prezentovano *Istraživanje i identifikacija potreba povratnika i raseljenih lica.* Razgovarano je o budućoj saradnji i mogućnosti implementiranja zajedničkih projekata.

INICIJATIVE

Unija za održivi povratak i integraciju u BiH je prosljedila urgenciju Ministarstvu za ljudska prava i izbjeglice BiH od Gurda Ibroya za dodjelu 1500 traktora za povratnike. Također, Unija za održivi povratak i integraciju u BiH je uputila nekoliko urgencija za Federalno ministarstvo raseljenih osoba i izbjeglica u ime slijedećih osoba:

•Svjetlana Savić – obnova stambene jedinice u opštini Bratunac, ul. Popove bare br. 16

•Vasvija Šetkić – obnova kuće u naselju Holijaci, opština Višegrad

•Amira Žiga – pomoć u održivom povratku (motokultivator, priključci: prikolica, freza, plug, kosilica), opština Foča, MZ Kratine, Dobratići bb

•Adil Bašić – pomoć u održivom povratku: freza, pila i sitna stoka, opština Pale

Prema Ministarstvu za izbjeglice i raseljena lica RS, UZOPI u BiH je uputila molbu za intervenciju Vila Azemu, povratnika u opštinu Višegrad. Naime, 2003. godine je potpisan tripartitni ugovor od strane Ministarstva za izbjeglice i raseljena lica RS, Vila Azema i opštine Višegrad gdje je Azem Vila dobio donaciju u vidu građevinskog materijala za obnovu kuće. Međutim predmetni materijal mu je pokraden i to je prijavljeno PJ Višegrad. U tu svrhu je UZOPI u BiH uputio molbu prema MIRL RS da pokušaju riješiti ovaj problem.

Također, UZOPI u BiH je uputila molbu prema HILFSWERK AUSTRIA za rješavanje stambenog pitanja povratničkoj porodici (Amel Fifić) u Kotor Varoš.

ERSTE FONDACIJA SEMINARI

Predsjednica UZOPI u BiH, Mirhunisa Zukić, na poziv Erste Fondacije, učestvovala je na seminarima koji su se održali u Beogradu i Zagrebu. Seminar u Beogradu je održan 04. i

05.11 2014. godine na temu *Finansijska održivost*, dok je u Zagrebu održan 11. i 12. 11.2014. godine na temu *Upravljanje projektnim ciklusom*. Glavni cilj radionice u Beogradu je da se povećaju kapaciteti regionalnih nevladinih organizacija na Balkanu, sa posebnim naglaskom na prikupljanje sredstava, održivo stvaranje prihoda, finansijske diverzifikacije i upravljanje učinkom. Na radionici u Zagrebu, polaznici su educirani kako da ojačaju svoje kapacitete potrebne za pripremu i razvoj projekata i njihovu primjenu za grantove dostupnu sa posebnim naglaskom na tenderima koje objavljuje Evropska unija.

SAJAM GRANTIJA AMERIČKE AMBASADE U BIH

23.10.2014. u Sarajevu i 24.10.2014. u Mostaru, na Sajmu grantija Američke ambasade u BiH koji je organizovala Fondacija Mozaik, uspješno se predstavilo čak 60 organizacija iz cijele Bosne i Hercegovine, a koje je podržala Ambasada Sjedinjenih Američkih Država.

Među ovim organizacijama predstavila se i Unija za održivi povratak i integracije u BiH sa projektom „Zadržavanje mladih povratnika u ruralnim područjima kroz edukaciju o zapošljavanju“.



Sajmovi korisnika grantova Ambasade SAD-a okupili su organizacije koje su provele projekte unutar tri programa: Demokratska komisija, osnaženje žena i interetnička saradnja. Sajam je organiziran kako bi potaknuo i druge nevladine organizacije da svojim prijedlozima apliciraju na projekte, slijedeći primjere dobre prakse korisnika grantova, te kako bi i oni ostvarili rezultate koji će doprinijeti boljem životu u svojim zajednicama.

KONFERENCIJA DEJTON

U povodu 19- te godišnjice potpisivanja Dejtonskog mirovnog sporazuma, Unija za održivi povratak i integracije u BiH je 15.12.2014. godine organizovala konferenciju na temu „**Rezultati implementacije Aneksa VII u proteklih 19 godina - agonija koja traje**“.



Unija za održivi povratak i integracije u BiH u protekle 22 godine je pratila proces prisilnog raseljavanja stanovništva u BiH kao i njihovog povratka (spontani, održivi i slično), te smo učestvovali u procesu implementacije Aneksa VII.

Na sesiji se govorilo o rezultatima povratka, onome šta jeste i onome šta nije učinjeno. Konferenciji su prisustvovali predstavnici: Delegacije europske komisije u BiH, Vijeća Europe u BiH, Ministarstva ljudskih prava i izbjeblica u BiH, Federalnog ministarstva za raseljene osobe i izbjeglice, Caritas BK BiH, SHU Dobrotvor, Fondacija lokalne demokratije, SPKD Prosvjeta, HKD Napredak, te predstavnici lokalnih nevladinih udruženje povratnika . i veliki broj medija.

PROJEKTI UNIJE U 2014. GODINI



Unija za održivi povratak i integracije u BiH je 01.01.2014. godine nastavila implementaciju druge faze projekta pod nazivom *Usluge skladištenja i transporta, održivi projekti za ugrožene povratnike i interno raseljene osobe – Identifikacija potreba povratnika i interno raseljenih osoba*, finansijski podržan od strane UNHCR –a. **Cilj je prioritizirati lokalne zajednice i porodice interno raseljenih osoba i manjinske povratnike na osnovu**

ugroženosti ,u mjestima koje je UNHCR već ranije identifikovao kao najugroženije u BiH. U drugoj fazi projekat se provodi u 18 općina/opština u BiH: Lukavac, Tuzla, Rogatica, Višegrad, Istočno Sarajevo, Kakanj, Olovo, Čapljina, Stolac, Prozor-Rama, Prnjavor, Doboj, Kotor Varoš, Bihać, Bosanska Krupa, Kupres FBiH, Livno i Tomislavgrad. Također, projektni tim Unije je definisao još 7 opština za koje smatra da bi trebale ući u prioritete: Donji Vakuf, Bugojno, Gornji Vakuf/Uskoplje, Ključ, Visoko, Čajniče i Odžak. Da bi projektni tim odgovorio zadatku bilo je potrebno definisati glavne aktere za saradnju na prukupljanju informacija sa terena o najvećim potrebama i problemima za povratnike, izbjeglice i raseljena lica, i to prema 10 oblasti Revidirane Strategije za implementaciju Aneksa VII DMS: rekonstrukcija, povrat imovine, elektrifikacija, infrastruktura, zdravstvena zaštita, socijalni zaštitu, obrazovanje, zapošljavanje, sigurnost i deminiranje, nadoknada štete. Za prikupljanje informacija sa terena u drugoj fazi projekta uključene su slijedeće interesne skupine:

- 309 mjesnih zajednica
- 10 NVO/članica Unije
- 18 općinskih načelnika + 7 opština/općina za koje projektni tim UZOPI u BiH smatra da bi trebale biti u prioritetu
- 18 opštinskih/gradskih službi za pitanje izbjeglica, raseljenih lica i povratnika
- 4 vjerske i humanitarne institucije (medžlisi, župe, poarohije...)
- 33 obrazovne institucije (škole, fakulteti...)

- 20 centara za socijalni rad
- 3 biroa za zapošljavanje
- 1 zavod/fondov za zdravstveno osiguranje
- 18 crveni krst
- 1 Odsjek MIRL RS

Za priklpljanje što relevantnijih podataka kreirane su četiri različite vrste Upitnika i to za: lokalne vlasti, mjesne zajednice, nevladine organizacije i vjerske institucije. Do 01.05.2014. godine završena je identifikacija, dakle defnisane su potrebe za 18 opštine/općine po mjesnim zajednicama + 4 opština/općina za koje projektni tim UZOPI u BiH smatra da bi trebale biti u prioritetu. Također, treba napomenuti da se očekuju još neki podaci od pojedinih mjesnih zajednica koje nisu uspjele da na vrijeme dostave popunjene upitnike.

Navedenu aktivnost provodimo u **cilju konkretne pomoći koju će u narednom periodu provoditi međunarodne organizacije zajedno sa domaćim institucijama i lokalnim zajednicama kojoj je neophodna pomoć za rješavanje problema iz Revidirane strategije Anexa VII Dejtonskog mirovnog sporazuma.**

IPA 2012

U okviru projekta *Identifikacije potreba povratnika i raseljenih lica*, UNHCR u BiH je definisao 10 općina u BiH koje će se finansirati iz sredstava IPA 2012: Bijeljina, Bosanski Petrovac Brčko Distrikt, Derventa, Foča, Gradiška, Maglaj, Mostar, Prijedor, Živinice.

Sastanci/seminari

Projektni tim UZOPI u BiH je organizovao nekoliko sastanaka/seminara na području opštine Foča i grada Mostara. Cilj je upoznati, prije svega, predstavnika MZ, NVO a zatim i predstavnike lokalnih vlasti o programima pomoći za ugrožene povratnike i interno raseljena lica u okviru izabranih opština koju će provoditi UNHCR sa drugim implementing organizacijama.



U tu svrhu, projektni tim UZOPI u BiH je kreirao i predstavio prezentaciju dosadašnjih aktivnosti u okviru Istraživanja potreba za ugrožene povratnike i raseljena lica u 52 opštine u BiH.

Također, cilj sastanka/seminara je da se upoznaju NVO, MZ, to jeste učesnici u istraživanju o aktivnostima koje žele preduzeti međunarodne organizacije, kako bi i oni sami na neki način bili upoznati i uključeni kada počne implementacije projekata. Naglašeno je i to da će se implementirati projekti koji se odnose na

rekonstrukciju, infrastrukturu, zapošljavanje i td.



Zaključci

- Zahtjev predstavnika MZ i NVO jeste da obezveno u Komisiji za implementaciju ovih projekata učestvuju i predstavnici civilnog sektora. Unija će ovu inicijativu uputiti implementatoru projekta
- Pošto će Foča i Mostar implementirati projekte u okviru OPEC i Saudijskog fonda traženo je da i u okviru navednih programa budu uključeni predstavnici povratnika i interno raseljenih osoba
- Raseljena lica i povratnici su skeptični kada je u pitanju implementacija budućih projekata iz razloga novonastale situacije u poplavljenim područjima u BiH. Postoji bojazan da će određena sredstva biti preusmjerena i za ta područja

Imenovanja predstavnika civilnog sektora u Radne grupe

U svrhu što boljeg sporovođenja projektnih aktivnosti u okviru IPA 202, u 10 navedenih općina, UZOPI u BiH je uputio dopis prema tim općinama da se u Općinske/gradske operative timove uključe i predstavnici

civilnog društva. Timovi se sastoje od r
Radne grupe/komisije:

- Radna grupa za stanovanje
- Radna grupa za ekonomsku održivost
- Radna grupa za socijalnu zaštitu i inkluziju

Operativni timovi su formirani u 10 općina/opština: Bijeljina, Bosanski Petrovac Derventa, Foča, Gradiška, Maglaj, Mostar, Prijedor, Brčko Distrikt i Živinice.

UZOPI u BiH nastavlja i dalje praćenje rada Operativnih timova.

Podrška trajnim rješenjima Revidirane strategije za provedbu Aneksa VII Dejtonskog mirovnog sporazuma

Unija za održivi povratak i integracije u BiH je u okviru programa IPA 2012, uz finansijku podršku UHCR –a, pokrenula Istraživanje u sklopu pružanja tehničke pomoći realizaciji projekta: "Podrška trajnim rješenjima Revidirane strategije za provedbu Aneksa VII dejtonskog mirovnog sporazuma" u 10 općina/opština: Bijeljina, Bosanski Petrovac Derventa, Foča, Gradiška, Maglaj, Mostar, Prijedor, Brčko Distrikt i Živinice. Cilj istraživanja je da se identifikuje imenom i prezimenom najugroženije porodice iz reda povratnika i raseljenih lica u okviru 3 oblasti: rekonstrukcija stambenih objekata, socijalna zaštita i inkluzija i ekonomska održivost. Istraživanje je počelo 20.11.2014. godine i trajat će do 20.01.2015. godine. Do kraja 2014. godine kontaktirano je 26 mjesnih zajednica u općinama Bosanski

Petrovac, Derventa, Foča i 2 NVO u Mostaru gdje je imenom i prezimenom identifikovano 659 potencijalnih korisnika. Opštinski/gradski operativni timovi, osim Distrikta Brčko su u 2014. godini, u okviru oblasti rekonstrukcija stambenih objekata, socijalna zaštita i inkluzija i ekonomska održivost, odabrali 107 korisnika.

Projektni tim UZOPI u BiH je, u periodu od 07.12. – 24.12. 2014. Godine, održao je sastanke sa predstavnicima 7 implementing organizacija: Hilfswerk Austria, UNDP, UNICEF, IOM, Fondacija lokalne demokratije, Vaša prava i BHLS.

Generalni zaključci sa sastanaka su sljedeći:

- bazu podataka UZOPI-ija o najugroženijim kategorijama povratnika i interno raseljenih koristile su sve implementing organizacije i pomogla je pri odabiru korisnika u prvoj fazi projekta.
- iskustvo u prepoznavanju kategorija povratnika i interno raseljenih lica koje ima UZOPI u BiH veoma značajno za implementing organizacije koje ranije nisu bile fokusirane na ove grupe;
- u nastavku projekta implementing organizacije i dalje očekuju podatke koje će biti prikupljenje po metodologiji prilagođenoj potrebama određene implementing organizacije.

Projektni tim UZOPI U BiH, u svrhu potreba novog istraživanja, kreirao je u novu bazi i napravio je usporedbu predloženih korisnika i onih koji su odabrani. Kreirana je nova kolona sa imenima novih potencijalnih korisnika najugroženih kategorija povratnika i interno raseljenih lica predloženih od

strane MZ. Ažurirani su podaci u ostalim oblastima Revidirane strategije tamo gdje su se desile promjene.

Također, predstavnici UZOPI u BiH su 28.11.2014. godine održali sastanka sa predstavnicima općine Živinice na koje je konstantovano slijedeće:

- formirane su Radne grupe u općini: Radna grupa za socijalnu zaštitu i inkluziju (9 članova); Radna grupa za stanovanje (7 članova); Radna grupa za ekonomsku održivost (7 članova)
- u Radne grupe su uključeni predstavnici: općine Živinice, Centra za socijalni rad, predstavnik zdravstvenog sektora, predstavnik obrazovanja, predstavnik policije/pravosuđa, predstavnici NVO, predstavnici povratnika, Hilfswerk Austria-HWA, Fondacija lokalne demokratije- FLD, predstavnik UNHCR-a, UNDP
- Do kraja 2014. godine je planirano da se implementiraju projekti ekonomske održivosti (poticaji u stočnom fondu; krave, ovce; u mehanizaciji: motorne pile; u poljoprivredi: platenici i dr.) koje će provoditi Hilfswerk Austria, a u 2015. godini sa implementacijom trebaju početi projekti rekonstrukcije stambenih objekata
- UNHCR je raspisao javni poziv za ekonomsku održivost – podrška javnim preduzećima – gdje su prošle dvije firme, čeka se tenderska procedura. Iznos granta za jednu firmu je 20.000,00 KM. Jedan od uslova za dobijanje sredstava je bio da se u toku jdedne godine zaposli 1 povratnik
- UNICEF i UNHCR su tražili da Općina uradi Analizu situacije u okviru socijalne zaštite i

inkluzije koja će obuhvatiti sve segmente socijalne zaštite i obrazovanja

KANTON 10

Unija za održivi povratak i integracije u BiH je 04.09.2014. u općini Livno organizovala prezentaciju na temu *Istraživanje i identifikovanje potreba za ugrožene povratnike i interno raseljene osobe u Kantonu 10*. Sastanku su prisustvovali predstavnici kantonalnih i lokalnih vlasti, Crvenog ksrt, Centra za socijalni rad, lokalnih nevladinih organizacija, međunarodnih implementing organizacija, osnovnih i srednjih škola te predstavnici mjesnih zajednica iz 6 općina Kantona 10. Cilj prezentacije je upoznati, predstavnike kantonalnih i lokalnih vlasti, mjesnih zajednica, NVO, Crvenog krsta, Centara za socijalni rad o programima pomoći za ugrožene povratnike i interno raseljena lica u okviru izabranih opština koju će provoditi UNHCR sa drugim implementing organizacijama. U tu svrhu, projektni tim UZOPI u BiH predstavio je sveobuhvatno istraživanje potreba za ugrožene povratnike i raseljena lica u BiH provredenog u 6 općina i 73 mjesne zajednice Kantona 10.



Najizraženije potrebe povratnika iskazene u sljedećim segmentima:

Problemi u obrazovanju – problem je prevoz đaka osnovne škole fra Miroslava Džaje Kupres, gdje djeca nemaju povratni prevoz nakon završetka nastave. U općini Kupres roditelji participiraju 50% za đачke karte. Potrebe se odnose i na besplatne udžbenike, opremanje kabineta, nabavku namještaja i td. O.Š. Grahovo, općina Bosansko Grahovo, je izgrađena 1971. godine i veoma je trošna, potreban je hitna sanacija tog objekta. Zabilježeno je i nekoliko slučajeva napuštanja osnovnog obrazovanja zbog nedostatka finansijskih sredstava te je s toga neophodno osigurati besplatne udžbenike za najugroženije (Drvar i Livno). Povratnici srpske nacionalnosti nemaju mogućnost pohađanja nastave za nacionalnu grupu predmeta (Glamoč i Kupres).

Potrebe u rekonstrukciji i izgradnji stambenih jedinica – u MZ Guber, Livno, postoji 97 stambenih objekata koji predstavljaju “ekološke bombe”. To su ruševine srpskih porodica koje žive u Srbiji i zemljama Zapada. Potrebno je očistiti te ruševine, ali da ostanu temelji kako bi se znalo da one postoje. Te ruševine predstavljaju veliku opasnost po samu djecu. U općini Bosansko Grahovo ima 1.300 zahjeteva za obnovu stambenih jedinica. Potreba izgradnje stambenih jedinica za raseljena lica na području Kupresa, te konačno riješiti pitanje korisnika alternativnog i kolektivnog smještaja u Drvaru i Bosanskom Grahovu.

Potrebe u infrastrukturi – u općini Kupres, Mjesno područje 5 ima problem sa putevima između 2 zaseoka koje hitno treba popraviti. U općini Drvar najveće potrebe se odnose na izgradnju infrastrukture: vodovod, putevi. U općini Bosansko Grahovo je potrebno obnoviti 203 kilometra puteva.

Potrebe u ekonomskoj održivosti – Mjesnom području 5, općina Kupres postoji 6 povratničkih porodica kojima je potrebna pomoć u stočnom fondu: ovce, krave i dr. U općini Grahovo najveći problem je nezaposlenost, ukupno radi 10% povratnika. Nezaposlenost je veliki problem i u općini Drvar.

Potrebe u elektrifikaciji – MZ Tiškova, općina Bosansko Grahovo, iako su se ljudi vratili 1999. godine, još nemaju električnu energiju.

MZ Grad 1 i Grad 2, Livno – imaju probleme u vezi sa izmještanjem stočnog fonda iz gradske zone. Lokalna vlast je donijela zakon da se stoka izmjesti izvan grada, međutim, problem je što stanovništvo nema adekvatna zamjenska područja.



Zaključci:

Sastanak je završen usvajanjem sljedećih zaključaka:

- Projektni tim UZOPI u BiH će i dalje nastaviti komunikaciju sa svim onima koji su dali svoj doprinos u istraživanju i iskazali svoju spremnost da sarađuju,
- U skorije vrijeme na zahtjev prisutnih bit će organizirane terenske posjete mjesnim zajednicama u kojima su identifikovane najveće potrebe povratničke populacije,
- Projektni tim Unije bit će na raspolaganju za bilo kakvu tehničku pomoć predstavnicima mjesnih zajednica vezano za delegiranje problema.
- Predstavnici mjesnih zajednica će i dalje dostavljati podatke Uniji o problemima povratnika i raseljenih lica kao i informacije o sprovedenim aktivnostima.


KANTON 10 – OBILAZAK TERENA

15.10.2014.

Projektni tim UZOPI u BiH je 15.10 2014. godine održao sastanke sa predstavnicima mjesnih zajednica i nevladinih organizacija i posjetio mjesne zajednice u općinama Kupres, Tomislavgrad i Livno.



Nakon sastnaka projektni tim UZOPI u BiH je obišao slijedeće mjesne zajednice: Mjesno područje 5 i Mjesno područje 2 u općini Kupres.. U Mjesnom području 5 smo obišli 3 porodice koje žive veoma teško, potrebni su im poticaji u stočnom fondu i mehanizaciji. Također, posjetili smo i naselje Botun gdje postoji 9 stambenih objekata kojima je potrebna rekonstrukcija i elektrifikacija za potencijalne povratnike srpske nacionalnosti. U Mjesnom području 2 smo obišli jednu porodicu u selu Malovani koja se bavi proizvodnjom malovanskog sira. Potrebna im je rekonstrukcija stambenih objekata.



U općini Tomislavgrad smo obišli MZ Tomislavgrad Sjever gdje smo posjetili 3 porodice koje žive veoma teško, 2 porodice žive u veoma neuslovnim stambenim

objektima koji prijete da im se sruše plafoni. Jedna od tri porodice koje smo posjetili se bavi zanatstvom, međutim, toj porodici kao i ostalim 20 koje se bave ovim poslom su potrebni poticaji kako bi proširili kapacitete, jer sada rade samo sezonski. U općini Livno smo obišli MZ Lištani gdje smo posjetili dvije porodice koje se bave sadnjom malina, potrebna im je hladnjača i siguran otkup. Također, obišli smo i porušene stambene objekte gdje je iskazana potreba za povratkom i obnovom za porodice srpske nacionalnosti.

31.10.2014.

Projektni tim je 31.10.2014. godine održao sastanke sa predstavnicima mjesnih zajednica i nevladinih organizacija i posjetio mjesne zajednice u općinama Glamoč, Bosansko Grahovo i Drvar. Nakon održanih sastanaka projektni tim UZOPI u BiH je obišao slijedeće mjesne zajednice: MZ Glamoč Grad. U navedenoj MZ najveće potrebe se odnose na rekonstrukciju stambenih objekata. U opštini Bosansko Grahovo obišli smo MZ Bosansko Grahovo. U navedenoj MZ najveće potrebe se odnose na rekonstrukciju stambenih objekata i rekonstrukciju O.Š. Grahovo.



U opštini Drvar posjetili smo MZ Drvar Grad. U navedenoj MZ najveće potrebe se odnose na rekonstrukciju stambenih objekata i rekonstrukciju putne infrastrukture.

ELEMENTARNE NEPOGODE U BIH U 2014. **GODINI**

16.05.2014. godine, odlukom Upravnog odbora Unije za održivi povratak i integracije u BiH formiran je Operativni tim za krizne reakcije (OTKR) kojeg čine čine Odjel za koordinaciju humanitarne pomoći i Odjel za identifikaciju šteta koje su nastale poplavom i klizištem.

Odjel za koordinaciju humanitarne pomoći je, u saradnji sa „Merhametom“ Njemačka je koordinirao u raspodjeli pomoći sa poplavljena područja u slijedećim općinama/opštinama: Sapna, Orašje, Brčko Distrikt, Bijeljina, Zenica, Zavidovići, Prijedor, Modriča, Odžak, Šamac, Ključ, Novi Grad-Bosanski Novi, Maglaj i Doboje. Pomoć je sadržavala slijedeć: odjeća i obuća za odrasle i djecu, prehrambeni i higijenski proizvodi, voda, alati i lopate za čišćenje. Unija za održivi povratak i integracije u BiH

je napravila timove na terenu koje čine predstavnici lokanih nevladinih udruženja, kriznih štabova, Civilne zaštite, Crvenog krsta, koji su od prvog dana učestvovali u evakuaciji, zaštiti, čišćenju.



Odjel za identifikaciju šteta koje su nastale poplavom i klizištem u koordinaciji sa UNHCR –om je radio na identifikaciji ugroženih područja u 34 općine/opštine u BiH. Odjel za identifikaciju šteta koje su nastale poplavom i klizištem je do sada identifikovao 12.473 lica, u 34 općine/opštine (401 mjesna zajednica) u BiH, ugroženih usljed poplava i klizišta. Podaci sadrže slijedeće segmente: ime i prezime, naselje, mjesna zajednica, općina/opština, entitet, članovi porodice, vrsta štete, adresu stanovanja i broj telefona.



Koordinaciono tijelo za saniranje poplava

Ministarstvo za ljudska prava i izbjeglice BiH je formiralo Koordinaciono tijelo po pitanju sanacije posljedica poplava u BiH kojeg čine domaće institucije, međunarodne implementing organizacije i lokalne nevladine organizacije. U okviru Koordinacionog tijela definisani su standardi za rekonstrukciju, adaptaciju i sanaciju u stambenim zgradama ugroženih poplavama, bez kojih se ne bi mogli implementirati projekti i programi pomoći ugroženom stanovništvu.

UZOPI u BiH je dio Koordinacionog tijela i do sada je održano 9 sastanaka. Na zadnjem sastanku je definisano da se usaglasi jedinstven Obrazac praćenja implementacije pomoći poplavljenim područjima, kao i kreiranje Baze podataka (imenom i prezimenom) osoba koje su korisnici pomoći.

URED FRANCUSKE ZA IMIGRACIJU I INTEGRACIJU U BUKUREŠTU

Unija za održivi povratak i integracije u BiH je 10. juna 2013. godine počela sa implementacijom *Programa pomoći povratnicima iz Francuske*. Program finansira Ured Francuske za imigraciju i integraciju u Bukureštu. Završena je prva faza implementacije u kojoj je šest korisnika primilo pomoć u skladu sa studijom izvodljivosti koja je napravljena za svakog pojedinačno. Studije su napravljene u skladu sa njihovim potrebama i uslovima, odnosno pomoć Francuskog ureda za migracije uvjetovana je komponentom održivosti.

U julu 2014. godine počela je druga faza u kojoj će još 7 korisnika, uglavnom tuzlanske regije, dobiti pomoć u vidu mehanizacije, opreme za rad i stoke. Program ima za cilj da pomogne održivi povratak i integraciju povratnika u zajednicu. Programi ove vrste također podstiču razvoj lokalne privrede.

PROJEKAT OPEC I SF

Unija za održivi povratak i integracije u BiH je aplicirala kod Federalnog ministarstva raseljenih osoba i izbjeglica sa projektom ***Uključivanje civilnog društva u integraciji povratnika kroz implementaciju CEB projekta, OPEC –a i zajedničkih projekata.***

U okviru skromnih sredstava za ovaj projekat, Projektnim tim UZOPI u BiH je

komunicirao sa predstavnicima 22 općine/opštine i korisnicima na terenu kako bismo pratili realizaciju aktivnosti vezanih za implementaciju projekata OPEC i Saudijskog fonda.

Tokom planiranja programa UZOPI u BiH je obavio konsultacije sa Ministarstvom za ljudska prava i izbjeglice BiH, Federalnim ministarstvom raseljenih osoba i izbjeglica, OSCE, delegacijom EU u BiH (EU), UNHCR, Council of Europe (CoE), kako bi se upoznali sa planovima domaćih i međunarodnih institucija, te bolje odredili ulogu organizacija civilnog društva u procesu. Tako su između ostalog definisani segmenti u kojima je potreban angažman nevladinih organizacija a to su: pružanje podrške u integraciji, rješavanje potreba u ostvarenju održivog povratka, povezivanje sa institucijama i organizacijama, informisanje o finansiranju i sufinansiranju, podizanje svijesti o koristi za lokalnu zajednicu.

Unija za održivi povratak i integracije u BiH je provela Istraživanje u 22 općine/opštine u BiH koje su na temelju Odluke Komisije/Povjerenstva za izbjeglice i raseljene osobe izabrane kao prioritet za obnovu stambenih jedinica iz sredstava Saudijskog fonda za razvoj i iz sredstava OPEC Fonda za međunarodni razvoj. Općine/opštine koje su obuhvaćene istraživanjem su slijedeće: Bihać, Bosanski Petrovac, Bosansko Grahovo, Bugojno, Čapljina, Drvar, Glamoč, Kupres, Čelić, Donji Vakuf, Foča Ustikolina, Gornji Vakuf-Uskoplje, Gradačac, Kladanj, Ključ, Konjic, Kreševo, Livno, Maglaj, Mostar, Novi Travnik, Odžak.

U periodu od 01.10.2014 – 31.12.2014. godine, Unija za održivi povratak i integracije u BiH relizirala je projektne aktivnosti koje su bile zadate u sklopu projekta „Zajedno učinimo život ljepšim u Bosni i Hercegovini“, finansiran od strane Ministarstva za ljudska prava i izbjeglice u BiH. Projektne aktivnosti bile su fokusirane na prikupljanje podataka i kreiranje informacija o turističkim destinacijama, prvenstveno se bazirajući na etno sela i seoska domaćinstva u slijedećim općinama: Foča, Istočni Stari Grad, Vitez, Prozor-Rama, Bijeljina, Ilijaš, Derventa, Bihać, Doboj, Bosanski Petrovac i Vareš.



Kada je u pitanju jačanje turističkih kapaciteta u Bosni i Hercegovini, UZOPI u BiH je projekat usmjerila na određivanje turističkih destinacija u ruralnim područjima. Uglavnom, identifikacija destinacija se ogleda na promociju etno sela, nacionalnih parkova i drugih prirodnih destinacija. U navednim općinama postoje određene turističke destinacije, međutim potrebno je napraviti sliku o svim segmentima i sadržajima za identifikovane

turističke destinacije. Prije organizovanja terenskih aktivnosti i posjeta turističkim destinacijama, uspostavili smo kontakt sa vlasnicima, direktorima tih destinacija i prosljeđeni su im upitnici. Upitnik sadrži slijedeće segmente:

- naziv i vrsta objekta
- ime vlasnika, adresa, kontakt telefon i td.
- vrsta ponude (smještaj, hrana i piće i dr.)
- neke druge posebnosti vezane za ponudu (konferencijske sale i dr.)
- opremljenost

Projektni tim UZOPI u BiH će kreirati web portal www.bhselo.ba, na kojem će biti promovisana etno sela i seoska domaćinstva. Web portal će sadržavati informacije o turističkim destinacijama, ponudama i atrakcijama u okviru seoskih domaćinstava i etno sela.



Portal će predstavljati svojevrsni informator koji sadrži informacije o turističkim destinacijama u ruralnim sredinama. Također, Portal će se konstantno revidirati novim informacijama prikupljenih na terenu. Pored tekstualnog dijela, Portal će sadržavati i fotografije turističkih destinacija. Također, pratit će razvoj projekta, uspostavljena partnerstva, realizovane

programe za jačanje turističkih kapaciteta i td. Dakle, pored informativne uloge, Portal će imati i jednu promotivnu kategoriju. Također, cilj Portala jeste da omogućimo ljudima da žive od svog rada na područjima koje su izabrali, a da ujedno razvijaju turistički potencijal zajednice koji će biti prepoznatljiv i prezentovan preko www.bhselo.ba. Na temelju već ranije saradnje sa udruženjima dijasporo BiH u iseljeništvu, Projektni tim putem e- mail komunikacije upoznao je i Svjetski savez BiH dijasporo o projektnim aktivnostima kao i otvorenim mogućnostima da daju svoj doprinos kako bi bili u potpunosti ostvareni projektni ciljevi.

EDUKACIJA I POVEZIVANJE POVRATNIKA U KOOPERANTSKI LANAC ZA POZNATO TRŽIŠTE

Unija za održivi povratak i integracije u Bosni i Hercegovini, uz finansiranje Ministarstva za ljudska prava i izbjeglice BiH implementirala je projekat “Povezivanje poljoprivrednih proizvođača u kooperantski lanac za poznato tržište” na području Čapljine i Stoca.

Održani su sastanci u Stocu i Čapljini sa poljoprivrednim proizvođačima sa područja Dubravske visoravni - općine Stolac i Čapljina.

Sastanku su prisustvovali predstavnici poljoprivrednih proizvođača te predstavnici lokalnih vlasti i mjesnih zajednica. Napravljena je baza koja sadrži podatke o 450 poljoprivrednih proizvođača. Svoju

podršku dali su i predstavnici Federalnog zavoda za poljoprivredu koji su održali edukativne radionice.

Nakon radionica poljoprivrednici su prisustvovali sastanku sa okupljivačima voća i povrća, a cilj sastanka je udruživanje odnosno povezivanje proizvođača u kooperantske lance za poznato tržište kako bi udruženim snagama pronašli put ka sigurnom plasmanu proizvedene robe. Samo planska, organizirana poljoprivredna proizvodnja uz zagarantiran otkup može osigurati prihode porodicama kojima je primarna djelatnost poljoprivreda.




Unija za održivi povratak i integracije u Bosni i Hercegovini će i u narednom periodu raditi na evidentiranju poljoprivrednih kapaciteta i mogućnostima ulaganja. Ovo je prvi put da su se na jednom mjestu našli svi poljoprivredni proizvođači sa ovog područja i razgovarali o konkretnim mjerama.

PROJEKTI EDUKACIJE MLADIH

Zadržavanje mladih u povratničko-raseljeničkim ruralnim zajednicama putem edukacija za zapošljavanje

UZOPI u BiH je u periodu od decembar 2013 – mart 2014. godine implementirala projekat pod nazivom ***Zadržavanje mladih u povratničko-raseljeničkim ruralnim zajednicama putem edukacija za zapošljavanje***, finansiran od strane Ministarstva za ljudska prava i izbjeglice BiH. Projekat je implementiran u pet općina/opština u BiH: Bosanski Petrovac, Jajce, Doboј, Zvornik i Stolac u vidu jednodnevnih edukacija.



U okviru pripremних aktivnosti održavanja treninga, a uz svesrdnu saradnju svih komuniciranih strana, počev od mjesnih zajednica, NVO koje čine mrežu članica Unije, lokalne zajednice, obrazovnih institucija, javio se veći broj kandidata u odnosu na predviđeni. Kontaktirano je ukupno 297 zainteresirana mlada kandidata, od čega je 151 prošlo proces

edukacija u 5 općina. Metodologija projektnih aktivnosti bile su zasnovane na edukaciji i međusobnoj interakciji mladih kako bi zajednički došli do konkretnih rješenja pri čemu je nastalo pet Biznis planova. Mladi su kroz biznis planove definisali svoje potrebe, u skladu sa potrebama lokalne zajednice, a što direktno utiče na povećanje konkurentnosti na tržištu rada i socijalnu uključenost. U skladu sa reliziranim, projekat je ispunio svoj cilj. Nakon završetka projekta, projektni tim je 07.03.2014. godine organizovao završnu manifestaciju u Parlamentarnoj skupštini u BiH na temu: ***„Promocija dobrih praksi – edukacija i zapošljavanje mladih u ruralnim područjima“***. Manifestaciji su prisustvovali mladi koji su završili obuku u okviru navedenog projekta, predstavnici institucija vlasti, nevladinih organizacije, ambasada u BiH te predstavnici međunarodnih organizacija.



Zadržavanje mladih u ruralnim zajednicama putem edukacija za zapošljavanje

U periodu od 01.07. – 31.12.2014. godine, projektni tim UZOPI u BiH je završio sa implementacijom projekta pod nazivom **Zadržavanje mladih u ruralnim zajednicama putem edukacija za zapošljavanje**, finansiran od strane ambasade Sjedinjenih Američkih Država u BiH, i sufinansiran od Federelnog ministarstva raseljenih osoba i izbjeglica. Projekat je implementira na području 15 opština/općina u BiH: Prozor/Rama, Bosanska Krupa, Vareš, Kakanj, Maglaj, Odžak, Bratunac, Kotor Varoš, Modriča, Kalesija, Konjic, Vlasenica, Sarajevo, Banja Luka, Prijedor.

Edukaciju je završilo 250 mladih osoba.

Također, organizovane su i „Face to „Face“ konsultacije gdje je sada učestvovalo 50 polaznika.



Navedenu aktivnost smo proveli u **cilju osnaživanja mladih za bolju socijalnu uključenost, promociju vrijednosti EU Strategije 2020 i cjeloživotnog učenja za**

poboljšanje konkurentnosti na tržištu rada i poboljšanje zapošljivosti kako bi se ublažila marginalizacija, nezaposlenost i kako bi ravnopravno učestvovali u kreiranju svojih radnih mjesta.



Nakon završene edukacije u 6 gradova, UZOPI u BiH je, 25.09.2014. godine, organizovala prezentaciju pod nazivom **"Moja ideja - moja budućnost"**.



Poslovne ideje su predstavile 24 mlade osobe iz šest bosanskohercegovačkih gradova, Kaknja, Vareša, Bosanske Krupe, Prozor-Rame, Konjica i Kalesije. Prezentirano je ukupno 9 biznis planova/projektnih prijedloga koji su pokazali želju mladih da ostanu i rade u svojim lokalnim zajednicama. Također, 22.12.2014. godine projektni tim UZOPI u BiH je organizovao

završnu manifestaciju projekta gdje je predstavljeno 8 biznis planiva i poslovnih ideja polaznika edukacije. Važno je naglasiti da su svi prijedlozi imali komponentu

održivosti i društvene odgovornosti. Manifestacijama su prisustvovali predstavnici domaćih institucija i međunarodnih organizacija.



TERENSKE AKTIVNOSTI



MENADŽERSKI TIM

Mirhunisa Zukić, predsjednik

Rasim Bećirović, sekretar

Dženan Mašetić, koordinator na projektima

Erna Čolić, asistent na projektima

Dženana Baščelija, koordinator aktivnosti

Malik Hasečić, projekt asistent

Amira Cerović, finansijski asistent

VANJSKI SARADNICI

Domaće institucije i organizacije: Ministarstvo za ljudska prava i izbjeglice BiH; Federalno ministarstvo raseljenih osoba i izbjeglica; Ministarstvo za izbjeglice i raseljena lica RS; Ministar za rad, socijalnu politiku raseljena lica i izbjeglice Kantona Sarajevo; Odjeljenje za raseljena lica, izbjeglice i stambena pitanja Distrikta Brčko; Lokalne vlasti u BiH; Biroi/zavodi za zapošljavanje; Zavodi za zdravstveno osiguranje; Centri za socijalni rad; Crveni krst/križ (FBiH i RS); Obrazovne institucije (osnovne i srednje škole); 104 nevladine orgnaizacije/članice UZOPI u BiH; preko 1000 predstavnika mjesnih zajednica; NVO mreže u BiH (NVO Vijeće, Mreža za izgradnju mira, ACOOUNT, LMAD Koalicija, CPCD); Udruženja za mir, obrazovanje i kreativnost; NVO Vaša prava.

Međunarodne institucije i organizacije: Ambasada Sjedinjenih Američkih Država u BiH; Delegacija EU; UNHCR; OSCE, OHR; TACSO u BiH; ASB; UNICEF; SDC; Vijeće Europe; ERSTE Fondacija; UNDP; „Merhamet“ Njemačka; Ured Francuske za imigraciju i integraciju u Bukureštu.